

Van der sielen ende van den lichgame

editie M. Gysseling

bron

Van der sielen ende van den lichgame. In: Instituut voor Nederlandse Lexicologie (samenstelling en redactie), *Cd-rom Middelnederlands*. Sdu Uitgevers/Standaard Uitgeverij, Den Haag/Antwerpen 1998.

Zie voor verantwoording: http://www.dbnl.org/tekst/_sie004siel02_01/colofon.php

© 2012 dbnl



[Van der sielen ende van den lichgame]

- 1 Dat dien meest duegden sijn ghegeuen
Dat ghod eehst oec meest van hem
Recht ende redene entie scrifture
Ropen dit selue al ouer al
- 5 Dus salt di witen in elker v[r]e
Onse here meer dar hi mi sal
Want redene ende verstanne
Heeft di ghegeuen ghod onse here
Wlmaecten sijn ghedinkene
- 10 Ende oec te leuene embermeere
Dar du sculdech wars mede
Den quaden wille te wederstane
Ende gode ghewerke in elke stede
Te b<e>gharne ente anegane
- 15 Na dien da[tti] onse here ghot
Dus vele duegden heeft ghegeuen
Twi wrochstu na min ghebot
Dat ti in sonden dede sneuen
Ende mine smekinghe ende min beheet
- 20 Dat so ne wederstontstu niet
Dat heeft ons beeden in groet leet
Brocht. ende in wel suvaer verdriet
Dus eist kinlech sonder waen
Alder werelt bi wareeden
- 25 Dat tu meer vele heefs mesdaen
Dan ic doe in allen steden
Wat eist vlesch wel lieue care
Alse de siele der buten es
Nembermeer roert het der nare
- 30 None siet none spreect sijt seker des

- Tvlesch mach doen niet een tuint
 Bi hem seluen de siele doet leuen
 Du dinchs mi dulce dan een kint
 Dat tu mi opties onse sneuen
 35 Hadstu ghode wlmaectleke
 Ghemint ende ghedaen eere
 Te derre pine [se]kerleke
 Waer wi niet comen nembermeere
 Als hic leefde op aerderike
 40 So wasic een hoeuerdech man
 Ende at ende d[r]anc verwendelike
 E[nde go]udine cleder droeghic an
 Wa[t] es nu bleuen sech op mi
 Van deser groeter verweenthede
 45 Dit nauwe huus dar ic in zi
 Ne knaghen de worme niet mine lede
 Ende darto onverwinlec stanc
 Die mi torment oec harde sere
 Dit es de loen dit es de danc
 50 Die na de welden gheft onse here
 Oec wetic wel dat ic verrisen
 Sal te domesdaghe sonder wanc
 Ende metti in alre wisen
 Ghepijnt sijn inder hellen stanc
 55 Dan eerst salic steruen metti
 O wi wat yseleker dode
 Die sonder ende sal pinen mi
 Metti dan inder hellen node
 Die arme s[ie]le riep mettien
 60 Met eere s[te]mmen ontfarmelike

- Ay mi tuuj moeste dat ghescien
 Dat hic noit leuede op aerderike
 Die stomme beesten mogen wale
 Louen ghode van hemelrike
 65 Har gheest hi sterft alte male
 Metten vlessce op aerderike
 Na ha<e>r doet ne warsi niet
 Ten onverwinleken meswende
 Vergaue ghod die alle dinc siet
 70 Dat dus daen ware der quader ende
 Na dese worde sprac die lichgame
 Toeter zielen die vor hem stont
 Sech mi oft es bequame
 Waerstu inder hellen gront
 75 Of tu wars inder hellen noede
 Ic bidsti wat vernaemstu daer
 Donsaelghe sielen sulsi van gode
 Genade vinden noch hier naer
 Seghe mi van den edelen lieden
 80 Ende van den riken op aerderike
 Dien alsi leefden haer maisnieden
 Dienden hem sere oemoedelike
 What gheredemen dar den riken
 Ende de edele wat hebben si te lone
 85 Die al de werelt hem daden wiken
 Alsoe zi saten in haren throne
 Sech mi of men menstse verloesen mach
 Met peninghen of met andren ghode
 Dat si gaderden m[e]ngghen dach
 90 Met swarre pine ende met aermoede

- Die siele spac te haren gheselle
 Die hare iamberleke mesliet
 Wie so ghewijs wert ter helle
 Danen machi comen niet
 95 De hope van verloessinghen
 Hebsi verloeren dats warhede
 Alemoescenen no bedinghen
 Ne connen hem ghehelpen in die stede
 Alwar dat ghode baden
 100 Alle de heelghe liede ghetrovwelike
 En tadt vaste in allen staden
 Tvolc algader van aerderike
 Ente waerelt ghaue al haer ghoet
 Om enen die inde helle es
 105 Het ware nochtann[e t]cheghen spoet
 Dat men pinde dies sijt ghewes
 De duuel ghaue ene siele niet
 Om al dat seluer entat ghout
 Dat ghod noch nie werden liet
 110 Die hi heft in siere ghewout
 No hine ghedoeghede niet dats war
 Dat soe sonder pine eene wile ware
 Om .m. marc van ghoude claer
 So wreet es hi altoes op hare
 115 Vp dat tu vraghets antwoordic ti
 Wat men den riken gheredet dar
 Enten edelen oec gheloeft des mi
 Want het es ghescreuen ende het es waer
 So wie so edelst ende rijst es
 120 Ende dar toe van groeter maisniede